



Javno preduzeće radio televizija
TUZLANSKOG KANTONA
Broj: 2933 /20
Tuzla, 08/10/2020. godine

Na osnovu člana 39. Statuta JP RTV TK d.o.o. (»Službene novine TK« broj: 12/17 i 3/20), a u vezi sa članom 64. stav (1), članom 70. stav (1). Zakona o javnim nabavkama (Službeni glasnik BiH broj: 39/14) i uz preporuku Komisije iz Zapisnika broj: 2911/20 od 06.10.2020. godine donosi se:

ODLUKA
o izboru ponuđača
za javnu nabavku roba – robe za rekonstrukciju televizijske režije na HD emitovanje

I

Donosi se odluka o izboru Ponude (protokol JP RTV TK broj: 2777/20) ponuđača "Audio Video Consulting" d.o.o. Sarajevo, Azize Šaćirbegović broj 7, 71 000 Sarajevo kao najpovoljnije ponude za nabavku roba – Roba za rekonstrukciju televizijske režije na HD emitovanje za potrebe JP RTV TK u iznosu od 149.969,00 KM bez PDV-a.

II

Ponuda ponuđača Audio Video Consulting doo Sarajevo proglašava se najpovoljnijom na osnovu provedenog postupka. Za navedeni postupak je bila predviđena E aukcija, koja nije održana jer je samo jedan ponuđač ispunio formalno pravne uslove tražene tenderskom dokumentacijom.

III

Sa odabranim ponuđačem će biti zaključen ugovor kojim će se regulisati međusobna prava i obaveze vezane za nabavku roba – roba za rekonstrukciju televizijske režije na HD emitovanje.

IV

Ova Odluka stupa na snagu danom donošenja i biti će upućena ponuđačima koji su učestvovali u predmetnom postupku javne nabavke.

OBRAZLOŽENJE

Postupak javne nabavke pokrenut je Odlukom o pokretanju postupka broj: 2533/20 od 03.09.2020. g. Javna nabavka je provedena putem otvorenog postupka broj: 2534/20 od 03.09.2020. godine. Obavještenje o nabavci (sa tenderskom dokumentacijom) objavljen na portalu javnih nabavki pod brojem: 90-1-1-273-3-9/20 od 03.09.2020. godine. Obavještenje o nabavci

objavljeno je u Službenom glasniku BiH.

Tendersku dokumentaciju za nabavku roba – robe za rekonstrukciju televizijske režije na HD emitovanje (sa cjelokupnom tenderskom dokumentacijom) su preuzeli BBS Europe, Set Up S, BMS doo, Ekapija doo, Audio Video Consulting doo, Imperio doo.

Komisija je blagovremeno izvršila javno otvaranje ponuda dana, 25.09.2020. g. u 12 h. Komisija je sačinila Zapisnik o otvaranju ponuda i Zapisnik o ocjeni ponuda. Komisija je konstatovala slijedeće:

- Na navedeni zahtjev zaprimljene su dvije ponude: Audio Video Consulting doo Sarajevo i Imperio doo Bijeljina.

- Nije bilo neblagovremenih ponuda.

- Ponuda Audio Video Consulting je blagovremena i ispunjava formalno pravne uslove,
- Iznos ponude Audio Video Consulting doo Sarajevo je 149.969,00 KM bez PDV-a.

- Ponuda Imperio doo Bijeljina je blagovremena, ali ne ispunjava formalno-pravne uslove

Obrazloženje: Ponuđač Imperio doo Bijeljina je u predmetnom postupku javne nabavke dostavio samo jedan primjerak ponude (bez naznake da li je original ili kopija) iako je tenderskom dokumentacijom propisano da su ponuđači dužni dostaviti original i jednu kopiju ponude.

Članom 57. stav (1) Zakona o javnim nabavkama propisano je da se u postupku javne nabavke ponuđač pridržava zahtjeva i uslova iz tenderske dokumentacije, dok je članom 68. stav (4) tačka i) istog Zakona propisano je da će Ugovorni organ odbaciti ponudu u slučaju da ponuda ponuđača nije potpuna i ne ispunjava zahtjeve iz tenderske dokumentacije.

Članom 8. stav (8) Uputstva za pripremu modela tenderske dokumentacije i ponuda („Službeni glasnik BiH“, broj 90/14) propisano je da ukoliko Ugovorni organ od ponuđača zahtijeva i kopiju ponude, ona se dostavlja zajedno sa originalnom ponudom. U tom slučaju se jasno naznačava „original“ i „kopija“ ponude. U slučaju razlika između originala i kopije ponude, vjerodostojan je original ponude.

Tačkom 13. (Sadržaj ponude i način priprema ponude) Tenderske dokumentacije između ostalog propisano da su ponuđači obavezni da pripreme ponude u skladu sa kriterijima koji su utvrđeni ovoj tenderskoj dokumentaciji kao i da će ponude koje nisu pripremljene u skladu sa ovom tenderskom dokumentacijom biti odbačene kao neprihvatljive.

Tačkom 16. (Način dostavljanja dokumenata) Tenderske dokumentacije propisano je da je ponuđač dužan dostaviti original i jednu kopiju ponude. Kopija se dostavlja zajedno s originalnom ponudom. U tom slučaju se jasno naznačava "original" i "kopija" ponude. U slučaju razlika između originala i kopije ponude, vjerodostojan je original ponude.

Uvidom u bankarsku garanciju na ozbiljnost ponude Komisija je utvrdila da garancija dostavljena od strane Imperio doo Bijeljina ne zadovoljava uslove tražene u Tenderskoj dokumentaciji tačka 39. koja glasi: Ponuđači koji učestvuju u postupku javne nabavke dužni su da uz ponudu dostave originalnu **bezuovjetnu bankarsku garanciju** za ozbiljnost ponude.

Iznos tražene garancije za ozbiljnost ponude je **1,5% procijenjene vrijednosti** ili u slučaju stranog ponuđača protivvrijednost u EUR obračunata po srednjem kursu Centralne banke BiH na dan izdavanja garancije i sa rokom važnosti, period važenja ponude plus trideset (30) dana.

Imperio doo Bijeljina u priloženoj ponudi dostavio je bankovnu garanciju izdatu od strane NLB banke čije važenje ističe 25.01.2021. godine. Na stranici 48/49 ponude dostavljene od strane Imperio doo Bijeljina navedeno je da je datum dostavljanja ponude 24.09.2020. godine i rok važenja ponude iznosi 120 dana. Po navedenom važnost garancije treba da glasi 120+30 dana što bi značilo da garancija na ozbiljnost ponude treba da važi najmanje do 21.02. 2021. godine. Garancija dostavljena od strane Imperio doo Bijeljina ističe 25.01.2021. godine.

Tačkom 39. stav (3) Tenderske dokumentacije navedeno je da ukoliko svi gore navedeni uslovi za dostavljanje garancije ne budu ispunjeni, ponuda će biti odbijena.

U skladu sa navedenim Komisija smatra da dostavljena ponuda ponuđača Imperio doo Bijeljina nije u skladu sa Zakonom o javnim nabavkama i postavljenim uslovima u Tenderskoj dokumentaciji za Rekonstrukcija tv režije na HD emitovanje JP RTVTK broj: 2534/20 i ista nije uzeta u dalje razmatranje.

U skladu sa članom 68. stav (4) tačke i), a u vezi sa članom 57. stav (1) Zakona o javnim nabavkama, članom 8. stav (8) Uputstva za pripremu modela tenderske dokumentacije i ponuda i

tačkom 13. i 16. Tenderske dokumentacije Komisija odbacuje ponudu ponuđača Imperio doo Bijeljina kao formalno-pravno neispravnu.

Za navedeni postupak je predviđena e aukcija, ali uzimajući u obzir da je ponuda ponuđača Audio Video Consulting jedina ispunjavala formalno pravne uslove e aukcija nije održana.

Nakon izvršene procedure i postupajući po preporuci Komisije za nabavke kao jedina, prihvatljiva i povoljna ponuda izabrana je ponuda ponuđača Audio Video Consulting doo Sarajevo.

Prilikom donošenja Odluke u obzir je uzet član 69. stav (1) i stav (2). Takođe prilikom donošenja Odluke o izboru ponuđača iz člana 1: ove Odluke u obzir je uzeto i to što je isti ponudio cijenu koja vrijednosno odgovara planiranoj vrijednosti predmetne nabavke ugovornog organa (iznos od 150.000,00-KM).

Pouka o pravnom lijeku:

Protiv ove odluke, nezadovoljna strana može uložiti žalbu JP RTV TK u roku od deset dana od dana prijema ove Odluke.

Dostavljeno:

- Ponuđač
- a/a



JP RTV TK-Tuzla
v.d. direktor

Kasim Softić